

Inatsisartut suleriaasianni § 37 imm. 1 naapertorlugu Naalackersuisunut apeqquq imaattoq matumuuna saqqummiuppara:

Apeqquq:

- 1) Aalisartut nunamut qaqisussat aalisakkerivinnilu sulisartut aalisarnermut inatsisikkut eqqorneqartussat Naalackersuisut saqqummiussaasa ilaanni oqaatigineqarpoq suliffissaqartinneqarumaartut. Suunuku suliffissat nutaat eqqartorneqartut aammalu aningaasarsinarnerusut suuppat taakku?
- 2) Pineqartut allani sulissagunik avaqqunneqarsinnaanngilaq illoqarfimmut allamut nutsernissaq tamakkua nutsernissaanut najugassaqartinneqarpat aammalu suliffissaqartinneqarpat?
- 3) Ilanngullugu Naalackersuisunik oqaatigineqarpoq suliffeeruttussat aalisartuujunnaartussallu aamma ilinniaqarnissaat aaqqissuunneqassasut. Sumiuna ilinniartinnit illoqarfinnilu sorlertit ilinniartinneqalersut, suullu ilinniartitsissuutaalerpat?
- 4) Naalackersuisunik aamma oqaatigineqartoq ilinniartitseqqinnissanut tunaartassat pilersaaruserneqartut. Ilinniagaqalernissaat eqqarsaatigalugu Naalackersuisoqarfiit sorliit pilersaarusermi peqataappat?
- 5) Politikikkut aaqqissuussinerit pissutigalugit suliffimminnik annaasaqartussat aammalu nammineq pigisaminnik illuminnik qimatsiinnartariaqalersussat Naalackersuisunik aningaasanik taarsiifigineqassappat?
- 6) Namminneq illugisaminnik qimatsiinnartussat illoqarfimmi najugariligassaminni illumik tunillugit taarsiifigineqassappat?

(Inatsisartunut ilaasortaq Hans Enoksen, Naleraq)

Tungavilersuut:

Aalisarnermut inatsisissap suliarineqarnerani naalackersuisunik neriorsuutaavoq suliunnaartussat aalisarunnaartussallu aningaasarsinarnerusuni sulilissasut suliffissaqarumaartullu suliffissat uagut nalusagut suunukua Naalackersuisut eqqartuinnaraat. Tassa ersarissumik paasisariaqalerparput aamma suliunnaartussat aalisarunnaartussallu nuuffissaasa aaqqissuunneqarnissaat atuarfissaqarnissaat minnerunngitsumillu ilaqutariittut inissaqarnissaat ilumut qulakkeerneqarsimanersut paaserusuppakka. Politikikkut aaqqissuussinerimi inuit eqqornerlunneqalersut allaat najukkamiinniit illuminnillu ilaatigut namminneq pigisaminnik qimatsiinnartussanngortitaasut illumik, inuuniarnikkut artornarlunnaartumik atugaqalertussaapput politikikkut aaqqissuussineq pissutigalugu.

Apeqququtikka ullut qulit qaangiutinnginerani akineqarnissaat kissaatigaara.